

■ COLUMNA

# Tgauns bletschs e camutschs cun microchip



CLAUDIO SPESCHA\*

Ferdar la neiv nova ch'ei ha bess sur notg entuorn casa. Inhalar tochen giu en la capillara la pli satella dil lom la ferdaglia lara, criua, cristallina. Respirar igl unviern. Mintg'onni miu ritual per entschveiver la stagiun freida. Aunc avon che fullar via la damaun marvegl tras la cozza neidia cun la puorla alva. Mo quella ga, cu jeu hai aviert igl esch-casa e tratg flad, ei la vischina passada tras la neiv loma cun l'alva dil di – e cun l'Asta vida la corda. E la neiv ed igl unviern fredan dapi lu da tgaun bletsch.



*lini ni Caduff. Ed era Andreas Caminada ei nuot au-ter ch'in bioroboter che zuppa microchips els capuns. Els sederasan sigl entir mund. E cun las antennas da 5G vegni aunc a dar daplì e daplì. Alain Berset? In bioroboter creau dalla lobby da farma e dil survetsch secret american. Daniel Koch? In clon dad Alain Berset respectiv da siu bioroboter. Peter Peyer? In clon da Koch respectiv da Berset respectiv dil bioroboter – semplamein cun vestgadir meins schicca, schegie ch'el metta uss er si meinsvart cravatta. Basta che nus tuts survegnien cun la virola in chip sut la pial per saver vegnir controllai. Ils mieds da massa vulan buca tradir quei sistem, era sch'igl ei evident. Arvei toch ils eglis!»*

schun, leva tuttenina mintga tschagrun. Ed il ruaus dalla primavera ei setransformaus en ina canera cacofona e campanilistica. Buca mo en la branscha turistica.

Mo per anflar la pli gronda schuenta dalla canera eisi dad ir schuen egl internet: Burghais furius ch'empermettan orientaziun el temps d'irritaziun ed appelleschan a quels che vulan «patertgar sez» e buca tedlar sin las «elitas corruptas». Els ein nos pumpiers che san «patertgar atraviars». E cun ina demananza sco sch'ins vess survegnien in premi Nobel vegni fatg rueida e raquintau rauba che tuna lu circa aschia (sch'ins vul far in exempel fictiv e semegli-ont a da quels ch'ins sa leger ed udir):

*Bioroboters tarmess da « Bill Gates che vesan or sco catschadurs han infiltrau nos cuolms e nossas vals. Han cresmau sut la pial da camutschs milliuns microchips che nus magliein cun la carn e che sederasan silsuenten en nos organisems senza fin e termin, per ch'il grond plan da Bill gartegi: la controlla totala sur dils humans. Gnanc la regenza grischuna exista mo da vers carstgauns da carn e saung. Denter els hai bioroboters che fan mo sco sch'els fussen Peyer, Paro-*

Encunter quella salata che crescha egl iert selvadi dil www, dil world wide web, inventada e plantada da tschurvials lumiai sco creffis da Nadal el caffè, datti deplorablamein buca ina vaccinaziun.

Tgisà, forse eisi gia memia tard. Ed jeu sedamondel, schebein il tgaun bletsch dalla vischina toffi taluisa, perquei ch'el ha in microchip da Bill Gates sut la pial ... ?

\*Claudio Spescha lavura a Turitg sco redactor tar SRF e moderescha l'emissiun Tagesschau. U èsi in bioroboter?

«Char 2020, va a ta far arder!» Nus vulain far flucs cun quest onn 2020 – in onn extraordinari che ans ha privà da bieras libertads e tscher-tezzas. Per dar ina fin in pau fulminanta cun in detg «pe en tgi!» a quest onn scrivon Alice Bertogg, Sara Hermann, Anna Serarda Campell e Claudio Spescha quest'emna per la FMR in «adia» tut aparti da quest onn senza party. Damai: «Char 2020, va a ta far arder!»

Est aschia eisi stau uonn, dapi ch'ei ha entschiet cun quella coga carugna da corona. La primavera levas ti respirar il resvegl dalla natira ed observar las fluras per uras. Mo che la veta freida dapi il mars da meff e marschaun.

Cul lockdown dils 16 da mars eisi vegniu sul e quiet (per quels che han buca giu da dar scola als affons a casa ...), sco ina damaun d'unviern cun neiv nova curdada la notg. La veta ei stada eri. In temps steric e paralisau. In temps calm e concentrau – mo era solidar. Igl ei vegniu segidau.

Igl atun, cu la Corugna lei turnada, eisi lu stau vargau cun la quieteiza, era sche la mascrina ha fatg che nus vesein tuts or dapi lu sco tgauns cun buccari. Mo ina bucca che ri anflan ins buca davos la mascrina. Igl ei buca da rir. Cun la mascrina en fatscha ed eglies surtrats cun vapor ei l'egliada vegnida tuorbla ed aschia era la percepziun. Dar la cuolpa e ver ra-


■ AURA

## In Bumaun surtratg

**Situaziun generala:** Ina zona da pressiuon bassa sur il Danemarc influenzescha noss'aura. Il di ora porta quella ina front chauda e la notg da Silvester ina front freida.

**Oz:** Al cumenzament dal di bell'aura, nà dal vest vegnan dentant nivels. En l'Engiadina pulit sulegliv. La notg da Silvester en las Alps e lura era en il sid flailvas precipitaziuns.

**Prognosa:** L'onn nov cumenza surtratg e per part cun naiv. En las muntognas per part favugn e sulegliv.



SCREENSHOT DANIELA DERUNGS

## «Bun di bun onn» – via video

(fmr/dat) I sto esser stà insacura tranter ils lockdowns u forsia perfin era amez in tal «cunfinament general», sco nos collega-redactor Augustin Beeli scriva pli gugent ens-tagl da duvrar quest «smaladet pled anglais». Igl è en mintga cas stà ina damaun dal 2020, cura che nus avain fatg questa

fotografia giu dal visur. I sa tracta dad ina da passa 200 sedidas redacziunalas da la damaun da la squadra FMR. Gebain, era nus essan digital ed avain discutà di per di via video – sco millieras da firmas e scolas sin quest mund. Ed era nus avain gi nossas fadias cun tschentar en ed ora microfons

e cameras, cun insumma far ir quest apparat!

Cun questa fotografia tipica da l'onni da las video-conferenzas vulain nus da la FMR dar adia al 2020. Nus engraziain a vus lecturas e lecturs per l'attenziun, per la lectura ed ils resuns. E nus giavischain a tuttas e tuts da cor in «bun di – bun onn»!

## Spassegiada da laternas

AUGUSTIN BEELI/FMR

Suenter che la glina è stada plaina ils 30 da december entschaivan ils 15 dis da digren. Ils 13 da schaner 2021 èsi alura glina nova. Damai detg stgir. Gist dretg per far ina spassegiada speziala da la saira. Ina idea fissi da chaminar da Falera giu en il vitg da Laax, u la direcziun cuntraria da Laax a Falera. L'entira via è illuminada enfin las 21.00 cun 300 laternas solaras ed è adattada per pitschen e grond, giuven e vegl.


tranter auer sin vias da funs sin ina distanza da 3,2 km. La partenza a Falera è tar il parcadi, ins dovra radund in'ura per far questa pitschna aventura nocturna. Laschai l'auto a Laax e prenda il bus local enfin Falera. Suenter in di en il homeoffice po questa spassegiada da laternas stimular corp ed olma. Natiralmain ch'ins po far la spassegiada gist oz, da Silvester. Infos detagliadas: [www.outdooractive.com](http://www.outdooractive.com).



Di per di dat ina redactura u in redactor da la FMR in tip a lecturas e lecturs – in cussegl u ina recomandaziun, senza impegn e senza garanzia che quel «tip» plaschia alura a tuttas e tuts.



FOTO PHILIPP RUGGU



CARICATURA LINUS FLEPP